

數。明日衆賊傅于城下。攜其仰攻。晨夜不息。兵民協力固守。聚寶門外米商自募練勇殺賊。賊將敗矣。城上開礮助威。誤中數人。練勇駭散。邪宿藻望見憤甚。嘔血死。賊在儀鳳門外靜海寺中掘隧道百餘丈。抵城隅。實火藥其中。二月乙酉旦。一聲旬然。地雷發。城潰。賊驟登。第二雷又發。殪賊數百。官兵驩踊。賊領賞守陣。兵轉寡。賊大至。因調西北隅防兵。北嚮堵禦。相持正急。別隊賊門於水西門。礮嘯衝入。官兵潰。祥厚等退保內城。旗營男女登陣守禦。內城又陷。死者四萬餘人。忠勇公祥厚果毅公霍隆武壯敏公福珠洪阿皆力戰死之。知上元縣劉同纓公服坐堂皇。罵賊死之前。廣西巡撫鄒鳴鶴隨辦團防亦死焉。前定海鎮總兵湯貽汾告休僑寓。從容賦絕命詩自縊。官民被驅脅屠戮者無算。陸帥乘小輿往謁將軍。還至十廟前。遇賊。叢刃斫之死。上命賞還籍沒家產。給卹典贈諡。御史方俊疏論之。乃撤卹贈。仍還總督銜。江南士庶追怨陸帥不能禦賊。浮議藉藉。謂陸帥實已降賊。建陽守備汪大臣稟報大帥向忠武公。謂望見陸帥首裹黃巾。與官軍接仗。向公訪城中逸出。

兵民。陸帥實於城陷時被殺。劾大臣誣讒上官。抵罪遣戍。賊既陷江寧。踞爲僞都。益縱悍黨四出。大江南北。十餘行省。皆爲之震撼。前後用兵凡十二年。而始克之。嗚呼。何其失之易而復之難也。夫數百年一逢之浩劫。若有數焉存乎其間。或非人力所能挽回。當道成之際。民不知兵。強寇竊發。嶺外其勢森然。震蕩。是時楚軍淮軍。風氣未開。臺臣武臣。但倚疲羸。渙散。備巧充數之營兵。當彼黠悍方張之寇。譬若驅羣羊。昨餒虎。撥稿草以燎于洪爐。至則靡耳。此由吏治軍政。錮習積弊。釀於百年之間。其咎不在一人。亦非一手足所能爲力。即使中興諸賢。驟值此變。亦將束手。陸帥總督四布政司。權力最廣。受人責備亦最嚴。然總督之權。統轄綠營耳。彼闖境營兵。按其籍當不下十萬。而虛額頂冒去其半。守汛及武員私役。再各去其半。所以徵調半年。僅得數千人。而止。此數千人者。皆未習戰陣。遇敵輒北。不啻竟無一兵。是總督亦徒手耳。以徒手之人。責其捍蔽江東西全境。庸有濟乎。嗟乎。膺天下之威柄者。負天下之指摘者也。陸帥狃於承平之時。憑藉國家寵靈。令肅風流。無嚮不

濟。不悟兵事之難。須實有歷練。更非河工諸事可比。乃欲藉出境禦寇。塗飾庸衆耳目。上希寵眷。邀取軍符。以爲榮。貿然一行。茫無布置。固無不僨事之理。向使陸帥於賊未出嶺之時。豫籌巨款。甄拔良將。募練一二萬人。爲生力軍。以備迎勦。最爲上著。然此等深識遠慮。未可以責之陸帥。且賊蹤剽疾。亦實措手不及。其次則專駐江寧。就所有之兵與餉。力保會城。并在采石磯東西梁山相機堵遏。但能固守一月。待向帥大軍一到。可以不陷。乃計不出此。擊數千疲弱之師。進守鄰疆。不必守之地。而於部勒之規。控扼之方。策應之機。惘然不知爲何事。躬未到防。輒已敗潰。又復倉皇退避。窮日夜力狂奔。以爲民望。至使沿江上下。將吏兵民。聞風逃徙。無一堅城。稍阻賊勢。既返會城。自慚喪敗。不與將軍等會議防務。以致城中無所適從。坐失事機。此其誤國殃民之大者也。蓋總督不出則已。既出而九江失守。惟有駐守小孤山爲死所均之一死。較之死於江寧爲愈矣。陸帥不善自爲計。及既遁逃。失勢威望掃地。官民交譏。殆無一事可爲。而其始則尤誤於遠出也。然則人生不幸。丁多

事之秋。都崇高之位。苟無閱識以慮之。毅力以居之。其不至誤全局而自蹈僇辱者幾希。

書昆明何帥失陷蘇常事

薛福成

兵部尚書總督兩江昆明何桂清。字根雲。家世微甚。弱冠入翰林。循資入遷。而至侍郎。督學江蘇。值粵寇倂擾。江南北。頗屬幕客草疏。陳兵事。糾劾疆吏之退縮。債事者。持論多侃侃。文宗奇其才氣。改官浙江巡撫。年未四十也。撫浙數年。通判徐徵。伎其同官。王有齡之驟遷道員。許告巡撫。獎薦不公。何帥奏陳顛末。語稍亢激。天子責之。引疾罷歸。已首塗矣。適闕兩江總督。上詢軍機大臣。此官以籌餉爲命脈。孰能勝任者。大學士彭蘊章奏稱。何桂清在浙江。餉徽州全軍數萬人。未嘗闕乏。上聽其言。授兩江總督。彭相故與何帥同年進士。何帥頗謹事之。彭相亦傾心推轂。以謂夷艱濟變。英傑者儔也。何帥復力薦王有齡。籌餉精敏。擢江蘇布政使。由是總督藩司呼吸一氣。攬巡撫徵餉察吏之柄。有齡益發舒。巡撫趙德輅不能事事。移疾去。未幾。幫辦軍務提督張忠武公國樑攻克鎮江。何帥以籌餉功。加太子少保。咸